

آژانسینان همکارلیغین ایدامه‌سینده مجلسین نظری

بین‌المللی اتومی انرژی آژانسی‌نین، ایرانین هسته‌ای فعالیت‌ی باره‌سینده کی اخیر گوزارشینده اؤلکه‌میزه غیر منطیقی و سیاسی ایته‌املارین وورماسی باعیث اولوب تا مجلس، ایرانین بو آژانسینان رابیطه‌سینه تازادان نظر سالسین.

بین‌المللی اتومی انرژی آژانسی‌نین، ایرانین هسته‌ای فعالیت‌ی باره‌سینده کی اخیر گوزارشینده اؤلکه‌میزه غیر منطیقی و سیاسی ایته‌املارین وورماسی باعیث اولوب تا مجلس، ایرانین بو آژانسینان رابیطه‌سینه تازادان نظر سالسین.

علی لاریجانی مجلسین ریسی دئی: اوردان کی آژانسیان همکارلیق ائله‌ماغین و ائله‌ماماگی فرقی یوخدور، مجلس آژانسینان همکارلیغین ایدامه‌سی باره‌ده تصمیم توتاجاق. بو اساسدا میلی امنیت و خارجی سیاستلر کومسیون‌ی بو مسأله‌یه یئتیشماغا مأمور اولوبدور. دوشنبه گونو کومسیونون سؤز دانیشانی کاظم جلالی بونو دئماغینان کی میلی امنیت کومسیونو بو باره‌ده اؤز آراشدیرمالارینی باشلایب، دئی کی بو مسأله جیدی صورتده کومسیوندا مطرح‌دیر. بو باره‌ده مجلسین خارجی سیاستلر و میلی امنیت کومسیونون ریسی علاءالدین بروجردی‌این دانیشمیشیق.

* آیا مجلس ایستیر آژانسینان قطع رابیطه ائدک؟
یوخ! سؤزلر و لفظلر حقوقي و سیاسی بحثلرده حساس‌دی‌لار. اصلاً آژانسینان قطع رابیطه بحثی یوخدور. همکارلیقلار تازادان باخماق مجلسین خارجی سیاستلر و میلی امنیت کومسیونون گلن هفته‌ده کی دستوروندا وار و بونوندا عیلتی بین‌المللی اتومی انرژی آژانسی‌نین ریسی یوکیا آمانونون چوخ پیس عملکردیدیر. آمانو گرک وظیفه‌لرینه اساساً آژانسین موقرراتی چرچیوه‌سینده اؤز فنی، حقوقي و تخصصی ایشین گؤره، اما عملده آمریکانین فیشاری‌این سیاسی ایش گؤردو. کول مودیر طرفیندن بئله حرکت، آژانسین گله‌جگینه چوخ خطرلیدیر و عضولرین حق‌لری‌نین ضایع اولماسینا باعیث اولاجاق. بونا خاطر ایندی‌جن کامیل صورتده اولان همکارلیقلاریمیز گرک تازادان آراشدیرلا.

* آیا بو تازادان باخماق ان پی تی دن چیخماق معناسیندایر؟
یوخ، آژانسینان همکارلیغا تازادان باخماق ان پی تی دن چیخماغینان فرقلی شئیدیر. ان پی تی بین‌المللی موعاهیده‌دیر کی اؤلکه‌لرین هسته‌ای بومب دوزلتمه‌ماغا تعه‌ودودور اما آژانس بیر تشکیلات و سازمان‌دیر کی اؤلکه‌لرین صلح‌آمیز فعالیت‌لری‌نین موقرراتین تنظیم ائدیر.

* آمانونون گوزارش‌ی‌این اگر ایرانین علئینه بیر قطعنامه صادر اولا مجلس نه تصمیم توتاجاق؟
میلل سازمانی ایندی‌جن چوخ قطعنامه صادر ائدیب، تشکیل تاپیلاجاق جلسه، میلل سازمانی‌نین حاکیملر شوراسینا مربوط‌دور اما امنیت شوراسیندا دا بیزیم علئهمیزه قطعنامه صادر اولوب اما بیز سیاستلریمیزده هئچ زادی دگیشمه‌میشوق؛ نه کی اعتقادیمیز وار ایرانین هسته‌ای فعالیت‌لری صلح آمیزدیر. بو ایرانین حق‌لریندن دیر و ان پی تی و آژانسین قانونلاری‌دا اونو تصریح ائدیرلر. بیز صلح‌آمیز هسته‌ای فعالیت‌لریمیزده اؤز حق‌لریمیزدن دالی اوتورمیه‌جیوق.

* بعضیلری بئله دوشونورلر کی آمانونون گوزارش‌ی آژانسین ایکی ایل قاباقکی گوزارش‌لریندن شیدت‌لیدیر و بو مسأله باعیث اولوب ایران همکارلیغین ایدامه‌سی باره‌ده تازادان باخا.

بلی، آقاي آمانو ائله مسأله‌لره باش قوشوب کی اساساً بازرسلیقلاردان کنار بیر شئیدیر چون کول مودیرین گوزارش‌ی آژانسین بازرسلیقلاری اساسیندا اولار و بیزیمده فعالیت‌لریمیزین هامیسی شفاف و قانون چرچیوه‌سینده‌دیر اما آقاي آمانو 2003 ده کی ایته‌املاری کی جواب وئريلمیشدی تازادان مطرح ائدیب و بو قبول اولان دئیل.

* کومسیونون دوشنبه گونونده‌کی جلسه‌ده بو رابطه‌ده نه تصمیم توتولدو؟
کومسیونون گلن هفته‌کی جلسه‌سینده همکارلیقلاردا تجدید نظر ائله‌ماق، ایش دستوروندا قرار تاپدی.